

Aymara - Kellkatanaca - Protection Scriptures

Jeremías 1:18 Nayaw jichhajj jumarojj sayt'aysma, mä suma jach'a perkani marcäcaspas uqhamá, mä hierrot sayir perkäcasmas uqhamá, broncet lurat perkäcasmas uqhamá, take Judá orakempi catuntasiñamataqui: reyinacapampi, jilirinacapampi, sacerdotenacapampi, uqhamaraqui take jakenacampisa.

Ezequiel 3:18 Inampisa nayajj mä khoru jake toke arsurista jiwañapataqui uqham khorütap laycu; jichhajj waliquiwa, jumatejj jan uca khoru jakeru parljjaycasmajja, uca khoru cancañapa apanucuñapataqui, uqhamat uca jakejj jacascañapataqui, jupajj juchap laycuw jiwani, ucampisa nayajj jumaruw uca jaken jiwatapatija wayt'äma.

Jeremías 6:27 Tatitusti saraquituwa: "Nayasti aca marcajjaru yant'añamataquiw jaytaracsma. Sum uñjam cunjämasa sarnakäwipajj uca" sasa.

Levítico 26:19 Jumanacan jach'a jach'a tucupjjatanacamsti t'unjaraquïwa, alajjpachas janiraquiw jumanacjarojj jallu apayancjjaniti, orakes janiw achcjaraquiniti.

Deuteronomio 23:5 Ucampis jumanacan Tatitu Diosamajj janiw Balaam chacharojj ist'cänti, jan ucasti uca ñankhachawja jumanacataquejj mä bendicionaruw tucuyänja, jumanacaru munatap laycu.

Romanos 12:21 Jan ñankhampejj atipjayasimti, ucatsipan ñankharojj asquimpi atipjam.

Salmos 143:8,10 Willtanacajj munasiñam ist'ayita, take chuymamp jumar iyawsatajj laycu. Sarañajjäqui uca thac uñachayita, jumar almajj catuyasitajj laycu. 10 Munañam lurañ yatichita, nayan Diosajjätam laycu. Munasir ajayumajj cheka thaquinjamay irpitpan.

Salmos 94:12 Tatay, juman yatichat jakejj cusisiñaniwa, camächit arunacam yatichat jakejj cusisiñaniwa,

Proverbios 27:12 Ch'iqhi jakejj jan walt'aña uñjasinjja jaltjewa; jan amuyt'asiri jakesti mantascaquiwa, ucatsti t'akhesiwa.

Filipenses 2:16 jacañ arunac jupanacaru yatiyasa. Uqhamata cunapachatejj Cristojj jutcani ucqhajj, jumanacat uqham ist'asinjja cusisiñajjataqui, jan inamay jalatajja, inamaya ch'am tucutajjsa yatisina.

Isaías 49:4 Nayasti sascaraquiyätwa: "Inamayaw ch'am tucta, ch'amanacajjsa jan cuna yäniquiraquiw inamayataqui tucjasta. Chekpachansa take cunajjas Tatitun amparapanquiwa, Catokañajjasa Diosan jach'a ch'amapanquiwa" sasa.

Salmos 76:3 Ucawjan nuwasiñ armanac t'unjäna, jarc'akasiñanaca, espada mich'inac tucjaraquïna.

Hebreos 13:21 Diosasti jumanacarojj k'om tucuypán, sumaqiraqui take cunansa, munañapa lurasiñapataqui, jiwasampisti cuntejj lurañ munqui uc luristpan, Jesucristo toke. ¡Jesucristo jjach'achatäpan wiñayataqui! Uqhamäpan.

1 Corintios 16:15 Jichhajj jilatanaca, jumanacajj yatipjjtawa, Estéfanás ucan

familiapawa nayrakat Tatitun arunacaparojj iyawsi uca Acaya tokenja. Jupanacasti jilatanacaru sirviñaruraquiw uchasicipje.

Filipenses 1:27 Take jumanacasti Jesucriston arunacaparjam sarnakapjjam. Nayasti jutcäsa jan ucajj jayanccäsa, yatiñwa muta jumanacatja suma yatiyäwinaca, ch'amampi sarantasa mä jakjamaqui, uqhamarac khespiyasiña arunacar iyawsäwi laycusti takenisa mayaqui nuwasïwincasasa,

1 Corintios 15:58 Uqhamasti munat jilatanaca, jumanacajj Tatitumpejj sum sayt'asipjjam, janirac sarakapjjamti. Irnakasipcaquim juc'ampi juc'ampi Tatitun luräwipanja; jumanacajj yatipjjaractawa Tatitumpi mayaqui irnakapjjatamajj janiw inamayäquiti.

Colosenses 4:12 Epafras jilatasti Criston sirviripawa, jumanaca taypit misturiraquiquiwa, jupasti jumanacarojj aruntanipjjaractamwa. Jupasti jumanacataquejj walipuniw Diosatjj mayisqui jumanacan sum sayt'asipjjañamataqui, uqhamarac Diosan munañap lurañaru suma catuyatäpjjañamataqui.

2 Reyes 19:34 Nayaw aca marcaru imascäija, khespiyaraquëjja, David sirvirejjaru munatajj laycu, naya pachpar munatajj laycuraqui" sasa.

Jeremías 15:20,21 Nayasti jumarojj aca marcataquejj broncet lurat perkjama tucuyaraquïma, jan atipcaya. Jumataquejj wali sartasipcani, ucampis janiw atipapcätamti, nayaw jumampi chicäscta, jumar khespiyañataquejja. Naya Tatituw uca arunacija arsta. 21 Ñankha jakenacan amparapatja khespiyämawa, ¡Khoru jakenacan amparapatsa khespiyaraquïmawa!"

Salmos 55:18 Nuwasïwinacan imitani, jacañajj khespiyani, uñisirinacajjajj waljanicchi ucasa.

Ezequiel 30:24 Babilonianquir reyirusti ch'ama churaraquëjja, espadaja ayjjaruyaraquëjja. Faraonarusti amparanacapwa p'aquiraraquëjja, uca usuyasiñatja uñisirinacapan nayrakatapanja warariraquiniva.

Apocalipsis 3:18 Ucatpï nayajj amtt'aysmajja ninar nacsuyata suma kori puro nayat alt'asiñamataqui, uqhamat chekpacha kamiriñamataqui, nayataraqui jank'o isi alasiñamataqui uca p'enka k'alal sarnakatamaru isjjatasiñamataqui, uqhamarac colirio sat kollsa nayramar ch'akt'ayasiñataqui, uqhamata uñañamataqui.

1 Juan 3:17 Maynitejj kamirichi ucat, jilapan pist'ayasitapa yatisina jan jupat qhuyapt'ayascchejja, ¿cunjämarac Diosan munasiñapajj chuymapan utjaspasti?

Isaías 50:4 Tatitojj yatichituwa karitanacaru suma arunacampi chuymachañajjataqui. Sapa khantatiw nayarojj sum kont'ayitu, uqhamat suma ist'añajjataqui.

Salmos 18:39 Jumaw nuwasïwin ch'am churista, kallasirinacarojj nayrakatajjaruw alt'aytajja,

2 Samuel 22:40 Jumaw nuwasïwin ch'am churista, kallasirinacarojj nayrakatajjaruw alt'aytajja,

Salmos 89:43 Ucampis jupataquejj espadap muthuptaytajja, nuwasiñansti janiw yanapctati.

Ezequiel 13:6 Unañchäwi uñjatanacapas, profecía arunaca arsupjjatanacapas c'aricamaquiwa. Jupanacajj nayan sutejjat parlapije, ucampis janiw nayajj jupanacaru qhitanci. ¡Arsutanacapan phokhasiñanacapsti suyt'apjjaraquiwa!

Levítico 26:37 guerratsa chhuctapcaspa uqhamaw jupanaccama liwirtapjjani, janis qhitis jupanacaru arcnakcchini ucasa; jumanacatsti janipuniw qhitis uñisirinacapa contrajj sayt'añ puedcaniti.

1 Corintios 14:8 Guerrancasinija, trompetatejj jan suma khana phust'ascaspajja, janiw qhitis nuwasiñatac waquichascaspati.

Job 15:24 Ch'amakanacaw juparojj ajjsarayani, llaquisiñampi jan walt'añanacampiw catuntaraquini, cunjämtejj mä reyejj guerran nuwanteja uqhama.

1 Crónicas 12:8 Gad uca tribunquirinacatsa, uqhamaraquiw Davidampiñataqui jutjjapjjäna, cunapachatï jupajj wasarana nuwasiñataqui lurat chekana ucancascäna ucqhajja. Jupanacasti guerrasiñanija jan ajjsariri chachanacäpjänwa, guerrataquisa suma yatichata, uqhamarac escudonacampi, lanzañacampi waquichataraqui. Jupanacajj leonar uñtatäpjänwa, tarujar uñtataraquiw kollunacan t'ijupjjäna.

1 Crónicas 12:33,38 Zabulón tributija pheska tunca waranka soldadonacäpjänwa guerrasiñataquisa suma waquicht'ata, take casta armamentonacampi, jupanacasti take chuymäpjänwa Davidar yanapt'añataqui. 38 Take aca guerrana nuwasiri jakenacajja nuwasiñatacjamawa sarantapjjäna, jupanacasti take chuymawa Hebrón marcaru sarapjjäna Davidaru Israelijaru reyita utt'ayañataqui; uqhamaraquiw takpacha israelitanacajja jan maynini amtasipjjaraquïna uca pachpa luraña.

Lucas 10:19 Nayaw jumanacarojj ch'amjj churapjjsma catarinacjaru, uqhamarac alacrananacjaru tacjjatapjjañamataqui, uqhamarac uñisirin take ch'amaparu atipt'apjjañamataqui, janiraquiw cunas camachapcätamti.

2 Corintios 7:10 Diosar cusisiyquir llaquisitanacasajj Tatituruw cutiquipstayistu, ucatsti khespiyaraquistuwa, janiw llaquisiñasäquit. Ucampis jan Diosatacjama llaquisitasasti jiwañaruw aparaqui.

2 Timoteo 2:25,26 Jan ist'asirinacarusti llamp'u chuymampi ewjjt'añaparaquiwa, inampis Diosajj jan wali luräwinacapat cuttayasincaspa, uqhamat jupan cheka arunacap uñt'apjjañapataqui. 26 Uqhamata p'arjjtapjjañapataqui, ucatsti Supayan sипitapatsa jaltapjjañapataqui, cawquïritejj preso catjäsqui uqhamarac cuntejj juparojj lurañ munqui ucata.

Nehemías 4:15 Cunapachatï uñisirinacajjajja yatipjjäna nanacan waquichasitanacajja, uqhamarac Diosas jupanacan amtäwinacapa mayjt'ayatapatija take mayniw cuttijapjjta perka luriri, lurañanacapawjarcama.

Salmos 73:24 amtatamarjamaw irpistajja, khapak chekawjaruw puriyaraquitätajja.